



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. XII. Præcipuæ Theologiæ dotes, seu prærogativæ, breviter
exponuntur,

[urn:nbn:de:hbz:466:1-77232](#)

DISPV TATIO PROOEMIALIS

Erina de communione sub utraque specie, & parvolorum, visum fuit Legatis, opportunè decreto illi addi debere, tanquam rem omnibus notissimam & indubiam, Christum Dominum in ultima cena, suos Apostolos in Sacerdotes ordinasse, illis verbis, *Hoc facite in meam commemorationem.* Re accurate diuque disculsa, sententia illa Patrum animis iam infederat, prelo erant suffragia, cum nescio quis illorum palam testatus est, videri sibi D. Thomam sentire, Christum Dominum, verbis illis, nihil aliud ordinasse, quam quod Sacrofæcum illud Mysterium, in Passionis ejus memoriam celebraretur. Mirum! iusti Patrum assertur liber, notatur locus, discutitur, cumque varij variè eum interpretarentur, tantum ponderis in Concilij lamenec iniecit sola D. Thoma authoritas, vel etiam dubitata, ut placuerit Concilio potius decretum suspendere, quam aliquid definire, sensu D. Thoma in illam rem nondum satis aperte cognitò. Dilatum ergo fuit iudicium, interimque de vera circa hoc S. Doctoris mente fuit disputatum; cumque tandem convenienter Patres in præfata assertione, nihil contra D. Thomam sententiam definiri, sequenti sessione veritas fuit fancita. Ex quibus liquet, quam impudenter Hæretici, Theologiam Scholasticam, non solum iniurilem, sed etiam perniciosa esse Ecclesie assertiverunt.

Neque illis faverit, quod interdum SS. Patres dolent in Ecclesiæ irrepsisse captiones sophisticas, ac pravum artificium Aristotelicae artis, & hujus generis alia, velut Ægyptiacas quasdam plagas, ut loquitur Gregorius Nazianzenus, qui etiam deplorat illam disputationi de Deo rationem, quæ invaluerat ætate sua, quæque simplici & ingenua tractatione relicta, tortuosum & involutum dicendi genus invexerat. Similiter Hieronymus non vult Evangelij Doctores humanæ ratiocinationis præsidijs nitit, *Quia* (inquit) *isti modi virga & baculus arundineus est, quem si paululum presseris, frangitur, & manum transforat incubentis.* Et Tertullianus lib. de præscript. cap. 7. *Quid Athenæ (inquit) & Hierosolymis? Quid Academia & Ecclesia? Quid Hæreticis & Christianis? Nostra institutio de portico Salomonis est, qui & ipse tradidit Dominum in simplicitate cordis esse querendum.*

Hæc inquam & similia, quibus hæretici abuntur, non obfunt, quia SS. Patres in illis locis invehuntur solum contra illos, qui perperam arte syllogistica, & humana ratiocinatione uteruntur ad Christianam fidem revertendam, & decipiendos minus eruditos aut callidos: qualem fuisse Arrium, Eunomium, Aëtium, Pelagium, Julianum, Abailardum, & similes antiquiores hæreticos, testantur Socrates lib. 1. historiæ cap. 5. Sosolennus lib. 1. cap. 1. Epiphanius hærefi 76. Gregorius Nissenus libro 1. contra Eunom. Ambrosius in Psal. 118. Augustinus lib. 2. operis imperfeci contra Julianum, Bernardus epist. 190. & alij. Vel solum intendunt, fidei, tanquam Principi & Domini, rectorique virtutem, ducatum: Philosophia vero, & humana ratiocinatione, famulatum duntaxat debere exhiberi, nec nisi ad fidei obsequium & subsidium, sacerdcales & prophanas scientias adhibendas esse: exempli Abrahæ, qui duplex inquit conjugium, alterum cum Sara uxore prima & præcipua, & alterum cum Agar ancilla; quarum illa divina sapientia

A typus erat, ista Philosophia. Et Saræ quidem amore præcipuo adhærebatur, Agari vero ut ancille duntaxat: sic enim Theologo facendum esse, sapienter monet Clemens Alexandrinus lib. 6. Stromatum, cavendumque ne ancillæ nimio amore delectatus, Dominam, hoc est veram sapientiam, neglat.

ARTICVLVS XII.

Præcipue Theologæ dotes, seu prærogativa, breviter exponantur.

C V x primus discendi ardor nobilitas sit Magistri, ut ait Ambrosius, secundus studi flumen, dignitas est & præstantia artis vel disciplina, quam quilibet cupit ediscere: unde cum in prefatione hujus libri, de laudibus D. Thomas Praeceptoris nostri Angelici, plura dixerimus, superelt ut hic pauca de dignitate Theologiae inseramus, & præcipias ejus dotes & prærogativas, breviter exponamus; ut ex illarum contemplatione, ad amorem & studium hujus divinæ scientiæ, Lectoris animus accendaru.

Prima ergo prærogativa Theologiae sumitur ex objecti quod contemplatur præstantia: cum enim ceteræ scientiæ, de rebus creatis disserant, Theologia Deum tanquam proprium objectum, sicut aquila Solem, respicit & considerat, terrena cuncta despiciens, & creata omnia altitudine sua transcendens: unde illa tota divina est, & quidquid in ea tractatur, divinitatem spirat, & ad Deum spectat, vel sicut proprietas ad naturam, vel sicut effectus ad causam, vel tanquam medium ad finem, ut ex supra dictis liquet.

Secunda peritur ex ratione sub qua tendit in sumum objectum, quæ est veluti lux quæ cuncta de quibus disserit irradiantur, & manifestantur. Plura certè considerat Theologia, Angelos, celos, elementa, homines, ceteraque sex dierum opera; divina naturæ relations & attributa, Augustiniana Triadis miranda, & Incarnationis secreta aperit, aliaque obscurissima fidei nostræ mysteria rimatur: fed omnia sub una ratione formali, nimirum sub ratione divinae veritatis, & sub lumine & radio divinæ revelationis, contemplatur. En tibi Theologia lucem: à luce autem omnis decor, venustas, & pulchritudo rebus accedit; ex hac syderum nitor, cœli splendor, terra ornatus, totiusque mundi forma & venustissima species; ideoque haec Deus primam omnium creavit, ut ex ejus radiis cuncta pulchrescerent. Vel ut dicit Hugo a S. Victore, *Primum fecit lumen, ut cetera omnia postmodum faceret in luce.*

E Tertia consistit in ejus certitudine, cum enim nedum rationis quæ falli potest, sed etiam fidei, & divinae revelationis infallibilis, principijs initiat, & in ea suas conclusiones resolvat, omnium scientiarum naturalium, ipsiusque habitus primorum principiorum certitudinem transcendent, & scientia Dei & Beatorum firmitatem aliquo modo participat, ut anteà demonstravimus. Nec obstat quod in varias & discordantes Scholas Thomistarum, Scotistarum, & Nominalium dividatur; aliterque sentiant de prædestinatione, de gratia efficacia, de modo concurrendi cum causis secundis, de Sacramentorum virtute & efficientia, alisque hujusmodi questionibus, Thomistæ, aliter Scotistæ, aliter Nominales,

alter Neotherici; nulla enim inter eos , circa determinatos orthodoxæ veritatis articulos , pugna est , nulla discordia , nulla contentio : in hoc concinunt omnes , & solum circa problematicas quæstiones dissentient. Multos audivit D. Ioannes Apocal. 12. in Cœlo cantantes , & citharizantes in citharis suis , unicam tamen ex tot discordantibus vocibus & sonis harmoniam auditavit , suavissimè modulantem. Similiter etiam , licet varij sint Doctores , qui diversa , imò aliquando contraria docere videntur , eorum tamē voces , ita inter se concordant , quantum ad ea quæ sunt fidei , ut una omnino sit vox ; imò ex hac diversarum vocum consonantia , ac disputationum discordia , suavior harmonia efficiatur.

^{102.} Quarta : Theologia est eminenter speculativa & practica , nec solum mentem illuminat , sed etiam voluntatem accendit , & amorem spirat in corde hominis , sicut increata sapientia in sinu Patris : unde Abbas Antiochus Orat. 128. ait : *Nihil ita cor hominis ad Dei amorem inflamat , sicut Theologia :* qua verba ejus interpres expendens , hæc addit in margine : *Theologia Theophilum ingenerat.* Illa etiam mores componit , affectus mitigat , vita extirpat , virtutes inserit , & tandem sui studiosos ad patriam cœlestem perducit. Unde meritò de illa dici potest , quod libro 1. Tusculanarum questionum ait Tullius de Philosophia : *O vita dux (Theologia) O virtutis indagatrix , expultrixque vitiorum , quid non modo nos , sed omnino vita hominis sine te esse potuissest ? Tu inventrix legum , tu magistra morum ac discipline fuisti , &c.*

^{103.} Quinta : Theologia (ut supra ostendimus) non solum habet rationem scientiæ , sed etiam sapientiæ , id est sapidæ scientiæ ; ut enim in favo (inquit Philo Carpatus) mel & cera latent , quorum alterò pascimur , alterò lumen accendimus ; sic in sacra doctrina , suavissimus cibus animi , & lumen insunt ; per illam enim nendum de cœlestibus illuminamur , sed etiam in ipsis afficiamur.

^{104.} Sexta : Theologia viatorum ejusdem est speciei cum Theologia comprehensorum , seu beatorum , nec ab illa differt , nisi ratione status viae & patriæ , & sicut imperfectum à perfecto , ac puer à viro ; unde remanet in patria , non solum quo ad ornatum , sed etiam quoad exercitum , ut supra ostensum est , & satis aperte declarat Hieronymus , dum exhortans Paulinum ad Theologie studium , ipsum monet , eorum fructus in terra carpere , quorum radices in cœlo fixæ sunt , illaque discere in terris , quorum scientia perseverat in cœlo.

^{105.} Septima : Theologia sacrum est Ecclesiæ armamentarium , ex quo Doctores Catholicæ , & fidei defensores erunt scuta , tela , lanceas , gladios , cæteraque bellica instrumenta , quibus hereticorum audaciam repellunt , & omnes eorum impetus retundunt. Hæc turris David , ædificata cum propugnaculis , ex qua millependent Clypei , omnis armatura fortium. Hæc Davidis funda , ex qua quinque limpidissimos lapides , id est

A (ut explicat Cassiodorus) quinque legis libros eruunt Doctores Christiani , ut contra Catholican veritatem insurgentes hereticos , funditus revertant. Hæc ejusdem Davidis gladius , quō infernalis Goliath caput truncatur. Hæc inexpugnabile veritatis scutum , quō circundatus Christianus , omnia inimicorum tela facilè repellit , & feliciter eludit. Hæc acutissima Spiritus Sancti lancea , penetrabilior omni gladio acripi , quā hostes Christianæ fidei configuntur. Hæc demum est Christiana Minerva , omni ex parte armata , quæ non ex Iovis cerebro , sed ex Dei mente procedit ; est enim scientia divina , veluti quædam effusio , & emanatio quadam claritatis Omnipotentis Dei , ut dicitur Sapient. 7.

Denique , ut præcipua Theologia encomia , in unum colligamus : placet hic inferere elegansissimam Theologiae descriptionem , quam , sub nomine Philosophie , habet Boëtius lib. 1. de consolat. prosa 1. quam exponit noster Holcot in cap. 7. Sapientia. Apparuit mihi (inquit Boëtius) in lecto jacenti , mulier quædam formæ reverenda , fulgentibus oculis , colore vivido , & inexhausti vigoris. Statura discretionis ambiguae : quia aliquando videbatur cœlum pulsare capitis sui vertice , aliquando etiam ultra cœlum videbatur caput elevare. Vester habebat , quas sibi propriis manibus , indissolubili materia , subtili artificio fecerat ; in quarum summitate , Littera Graeca 6. Thita , in inferiori margine , Littera P. scribebatur. In dextera portabat libellum , in sinistra sceptrum.

Solutionem ergo lepidissime hujus picturæ , ^{107.} seu potius enigmatis , accipe à sapientissimo nostro Holcot , loco citatō. Theologia , inquit , in sexu describitur mulieris : quia sapientia idem officium moraliter convenit , quod naturaliter mulieri. Sicut enim mulieris officium est , virum parere , & postea ad sufficientem atatem de semetipsa nutritre in esse naturali : ita Sapientia , virum in esse morali gignit & alit , quam ideo antiqui Philosophi matrem vocabant : natura

D (inquit Plato) nos genuit mortales & rudes , sed Philosophia nos genuit divinis virtutibus informatos. Oculos haber fulgentes : id est , proprium lumen habentes. Color ejus vividus , & vigor inexhaustus : quia Theologia veritas , demonstrationibus incorruptilibus est innixa. Cœlum vertice tangit , quia cunctis naturalibus disciplinis antecellit. Vestes subtilissimæ , quibus induitur , septem sunt artes liberales , quibus tanquam ancillis utitur. In superiori parte , Litteram Graecam 6. habet , quæ proprium ejus nomen significatur. In inferiori margine Littera P. scribitur , quæ significat præxim : est enim simul speculativa & practica. In manu dextera libellum , & sinistrâ sceptrum gerit ; quia simul instruit & regit. Liber informationem , sceptrum imperium denotat : nedum enim mentem illuminat , sed etiam voluntatem accendit , mores componit , affectus mitigat , vita extirpat , virtutes inserit. Illi ergo studiose Lector ! e rotum dedicas dignus illa es , illa te digna . Seneca Epist. 53.